

北洋官報

目錄

宮門抄

奏請○東督錫等奏吉省稅契酌擬辦法摺△督撫實奏
 籌辦審判廳摺△廣州將軍培奏查閱駐防營伍學堂
 工廠摺
 公積○督憲咨一件△行唐縣票一件△棗強縣票一件
 文告四則△電報八則△新聞十五則
 量糧○京師勸工陳列所章程
 圖畫○榆關石河春景

本局第一百四期法政學報已出
 本報今日加印照片一頁

宮門抄

五月二十五日 民政部 都察院 正黃旗值日 直隸總兵雷震春請 訓 喬樹楨請假十五日 順
 天府奏京師得雨一寸有餘 召見軍機 雷震春 都察院遞封奏一件 外務部代遞專使大臣振貝
 子奏摺一封

奏議錄要

東三省總督錫良署理吉林巡撫陳昭常奏整頓吉省稅契酌擬辦法請立案摺

奏為整頓吉省稅契參仿湘鄂兩省奏定成案酌擬辦法先請立案恭摺仰祈 聖鑒事竊查吉省置買田宅稅
 契辦法向照六分征解核與內地各省大致相同然按之定數額征幾於有名無實緣各府州縣相沿習慣向不申
 繳存根核實造報率皆私印小稅層遞中飽視為固然其歸之公家者十不及一種種弊端幾難悉數至於置產業
 戶亦相率效尤或契內短價或以買作當以當作抵希圖規避納稅上下相蒙以致公家正供毫無起色即如粘用
 契尾一張收取紙價竟至吉錢二三千不等尤非核實辦法光緒三十四年經升任督臣徐世昌與臣昭常會商

飭度支司認真調查切實整頓隨即查照湘鄂兩省奏定稅契章程成案參酌吉省地方情形由司議訂整頓章程二十四條呈明核准屬試辦一面刊印買賣典當三聯官紙二種頒發各屬凡民間產業立契一律飭用官紙既歸畫一復便查考買業契價一兩仍照向章征收六分亦與湘鄂兩省辦法符合典當稅契每兩減收三分以示區別而杜民間以買作當之弊吉省遠處邊隅各屬辦公清苦與內地各省情形不同其征收稅款准由各府廳州縣暫行截留一半以資津貼俟將來各地方勻定公費仍應通飭全數解司悉歸公用遇有新舊交替並飭列入交代清解不准絲毫含混現發官紙二種每張各准收吉錢十千除官紙刷印價值外酌給經辦各衙門及售紙鄉正副等一切筆墨薪費比較舊日收取契尾之費減去三分之二亦足以敷辦公此外陋規雜費全行禁革如敢再有小稅以及各項弊端查出照例嚴辦其民旗未稅舊契不拘年分遠近均准量予限期赴各該管衙門購用官紙改繕呈稅寬其既往免予究罰計自上年冬間試辦截至本年春季不過半年約計各屬稅收已覺暢旺而民情亦其相安比視從前舊額所加已逾數倍俟滿年後各屬造報判齊共收若干再行分別奏報現據度支司陳玉麟詳請奏查立案前來臣等覆核無異除仍飭該司督屬接續遵辦並將坤辦章程咨送度支部查照外所有臣等整頓吉省稅契參仿湘鄂兩省成案酌定章程試辦緣由理合恭摺具陳伏乞

皇上聖鑒敕部立案施行謹 奏宣統元年五月二十二日奉 硃批度支部知道欽此

山西巡撫寶棻奏籌辦審判廳情形摺

奏為遵限籌設審判廳先將辦理情形恭摺具陳仰祈 聖鑒事竊照審判檢察廳官制章程業經法部會奏通頒續准憲政編查館於九年籌備事宜清單內奏定省垣各廳本年籌辦明年成立其餘至第八年一律完備各等因先後咨行到晉仰見 朝廷因時制宜實行司法獨立之至意奴才忝列疆圉際茲時會敢不遵照定限勉力

圖成竊維晉省北連蒙古南濱大河轄境遼闊統計府廳州縣一百二十有二經營草創頭緒紛繁必先有一總匯之處提綱挈領然後可以逐漸布置已於本年四月初八日在按察使司署設立審判廳籌辦處內分編查爲一科凡編制調查等事均隸之設備爲一科凡營繕預算等事均隸之遴選嫻習法政人員量才分任而令按察司爲督辦綜計目前當務之急所必應籌辦者一爲儲養職才按照奏定章程外省自初級以至高等共分三級省垣各廳並有第一期審判傳習所畢業人員可資分布日後各屬地方初級等廳逐次成立需才正多亟宜預計員數陸續招考講習以備將來分任各職一爲預算經費晉省財力支絀甚於他省新廳開辦常年各費雖力求撙節不事侈張然合省所需爲數頗鉅籌抵非易惟有先將逐年應需款項若干精確估計列爲詳表及早籌備所有用款均請作正開銷一爲劃分區域吾國舊有行政區域多沿習慣地廣人稀者職曠如山地狹人稀者訟庭若水煩簡失宜卽有畸輕畸重之弊新廳區域自當詳察戶口之疏密赴訴之便利分割得宜以期勞逸相均各盡厥職一爲營繕廳署省垣各廳明年卽應成立所需衙署等項雖無取美觀當力求適用或改用廢署或擇購民房亟宜早爲準備至省外一切廳署皆數年內應行設備之事亦宜調查明確預爲之計凡此各節均係該處專責由按察使志森議定分科籌備章程詳請 奏咨立案前來伏查周禮秋官所屬自大司寇以至司隸皆專掌獄訟之官司法獨立其制本肇自中古後世此意浸微遂以行政官兼任司法流弊漸滋相沿至今權限益混有不得不改絃更張者朝廷深觀遠覽上稽古昔之良規兼採列邦之成法釐定審判階級尅期舉辦於以奠立憲之基礎保裁判之公平關繫至爲重大奴才悉心考察如儲養職才預算經費劃分區域營繕廳署各端皆目前所急應籌備之事該處既經成立自當督同按察使司隨時諄飭各科員先事綢繆循序日進庶幾原定期限不至遲誤而司法獨立亦可收效於將來除此後辦理情形隨時奏報暨分咨查照外所有晉省審判廳籌備緣由理合恭摺具陳伏乞

皇上聖鑒訓示謹 奏宣統元年五月二十二日奉 硃批該衙門知道欽此

廣州將軍增祺奏查閱駐防營伍學堂工廠情形摺

奏爲到任查閱駐防營伍學堂工廠各情形恭摺具陳仰祈 聖鑒事竊奴才蒙 恩補授廣州將軍業將到

任日期恭摺奏報在案蒞任後自應謹遵 訓諭將所管營伍各事宜逐加查閱當經查得駐防滿洲八旗漢軍

八旗步軍營官兵並無缺額點驗圈馬均各足數右司庫存款項監盤亦屬相符各門圍護城垣履勘尙皆完固如

巡防隊四營原由制兵改練當會副都統孚琦春祿一同校閱步伐操法進退分合均屬整齊雖與新軍操法略有

不同尙可爲地方彈壓之助新軍步隊三營砲隊一營親赴教場逐日校閱術科自一排教練一隊教練以至一營

教練步法手法尙皆嫻熟密集散開縱橫互變進行退止諸種射擊運動亦頗敏速與部定暫行操法相符內堂講

學科抽問各兵尙能粗知大意其野外演習因軍裝多未領齊故僅就省城附近分營習練所有攻擊守禦利用地

形偵察警戒諸法均能舉其大概動作亦尙嚴整第查所用單響毛瑟槍克虜卜砲均爲極舊之物實難與新式槍

砲比較爭長而練法亦不能不因之少異檢閱前案改練之時曾遵練兵處一律改用小口徑毛瑟之示咨准前督

臣見覆局存無多先行發給一百枝分發各營考究是步砲四營衛隊二百名只有新槍百枝而已查粵省現造之

六密里八小口徑毛瑟頗稱精良乃又值本省編練新軍急於成鎮兼籌並顧亦知當局之所難然兵法器械不利

與無兵卒同借使一旦有事倉卒配以新槍轉坐用非所習之弊仍當咨商督臣隨時設法勻撥以資利用又此項

新軍改編之初係因庫款支絀僅就原餉略加變通諸從撙節以視新軍餉章相懸尙遠該官兵等尙知仰體時艱

奮勉習練已較從前頗有進步仍由奴才督飭勤加講求益圖精進如能始終罔懈成效日臻卽當咨商督臣按照

新章一律支給薪餉藉資飽騰而壯士氣此查閱軍隊之大概情形也又滿漢八旗設有中學堂一處高等小學堂

一處初等小學堂八處均經親往察看自隸提學司直轄教課管理已臻完全惟每堂學生有七八十名三四十名

不等按之原定學額猶未滿足且聞有見異思遷半途改業之弊非因風氣初開不免爲習俗所囿卽因家計所累

暫圖餬口之方推原其故總由各該旗佐提倡之猶未周至強迫之尙未實行也現已由奴才嚴飭各該協佐領等官先將七八歲以上之幼童以及二十歲以下之成人無論爲馬步甲爲閒散壯丁逐一清查各有若干名除已在各官立私立學堂肄業及充當新軍挑赴工廠學習工藝暨因家道貧寒必資營業生活者不計外其餘均爲詳細開導督令一律入學如有無故不就學者即將其父兄處以責罰又於揀選各缺時雖同一槍法命中而以識字者爲合選同在學堂肄業而以文理較優者爲合選其年歲已長而不識字之兵丁閒散人等現已暫仿學部奏定淺易識字之法每月各以數十字頒發各旗佐令其自行學習凡遇挑缺之時先試以現月應識之字其未能遍識者是月卽停其入選如此於誘掖之中寓強迫之意行之既久自有普及之時此查閱學堂之大概情形也又光緒三十三年三月間前任漢軍副都統李國杰等會同前督臣周馥會奏在於駐防添設工廠一處本爲預籌生計之舉並爲振興實業之端所關甚爲切要奴才親往該廠逐一考驗規制井然綢紗織布毛巾革履四廠造成物品尙能行銷其工徒學而有成者亦尙有人並按成績酌給工資以示鼓勵間有告假作輟不常者已經嚴飭該管協佐領等勒傳入廠仍不時派人點查以免偷惰惟原奏以二萬兩作爲初年開辦經費一面招集商股以保永久之計第二年第三年經費仍由督臣籌濟至多以每年一萬兩爲率三年後銷售貨物必有贏餘應由本廠自行籌款等語查此項工廠原因教育而設與商家營業不同故招股迄無效果且創辦未久正在造就工徒出物既少自無餘利可言若再大事擴充更虞無款爲繼疊與該廠紳莫鎮疆等詳細籌商只得仍就現款現廠切實經營總期成就工徒多多爲善又建築雕刻繪畫諸技在各國皆列之於美術專門而刻畫之精尤以粵工爲最只須延聘教師無庸另建廠房多購器具尙屬輕而易舉現令添此美術一科俾工徒將來多就一營生之路至於各廠教習成就工徒之遲速指授之勤惰以及每月製成物品若干售銷若干均由該廠紳員悉心省試認真經理仍造具冊表按季報告以備考查統俟本屆年終彙核成績若何有無獲利贏餘或仍須籌資補助再與督臣隨時會商具奏務在力求實效款不虛糜此查閱駐防工廠之大概情形也奴才伏維現當預備立憲融洽滿漢之時疊奉 恩旨安籌八旗生計祇當仰承 聖意首以開通知識爲先尤以普及教育爲亟次則振興工藝實爲擴張營業之資凡此良圖不獨爲目前切要之機關亦他日成就國民之基礎奴才惟有認真督勸竭力維持以冀目的克達庶無負

生成之德至於練兵訓士整飭戎行職任專司責無旁貸亦惟勤督操練逐加講求懲勸兼施養成至嚴之軍紀振興尙武之精神用副 朝廷修明軍備之至意所有到任查閱駐防營伍暨學堂工廠各緣由理合恭摺具陳伏

乞

皇上聖鑒訓示謹 奏宣統元年五月二十日奉 硃批知道了欽此

公牘錄要

督憲那據財政局詳續派各員銜名清摺咨送度支部查照備案文

爲咨送事案查接管卷內據直隸清理財政局司道詳稱竊查職局辦事人員前經遵照 度支部奏定清理財政局辦事章程分別改委續派當將各員銜名開摺詳報 督院核咨並聲明二等書記侯派定再行續報在案茲查職局清理全省財政事務日繁原派編輯審覈兩科科員不敷辦公經職局遴選妥員陸續札委並將職局原有書識二名改派二等書記另行添派二等書記二員以資分辦所有續派各員銜名並月支薪水數目擬合彙開清摺二分詳送查核咨部備案實爲公便等情到前部堂移交到本署閣督部堂准此相應咨送 貴部煩請查照備案施行須至咨者

行唐縣侯令汝承稟警董因巡警冗濫款難復籌擬暫裁警額以節經費文並批

敬稟者竊於本年四月二十一日據卑縣閩邑警董仇毓峨等聯名稟稱竊維巡警之設原以保安地方必須募用得人經費無缺方能歷久無弊成效可期茲查本邑城鄉巡警共有馬步長警一百三十一名果盡得人足資保衛無如招募之始風氣未開應募之人善良較少而需人正亟不得不牽就一時徐圖革換奈餉薄事勞募之不易縱曾革換冗濫仍多比及客冬竟有五區巡警格斃民命之案是雖由鄉民聚衆拒毆滋鬧所激而此中流品太雜難保不再滋事端况核計歲需經費多至制錢萬有餘吊所籌的款則惟房糧票紙與布捐四宗歲僅八千餘吊本屬入不敷出雖第五區滋事長警人等已由方前縣暫裁第所去無多需費仍鉅短絀猶復不少而商民生計已蹙尤難再行議捐此外則一籌莫展計惟量裁冗濫庶警務藉資整頓可免廢弛之虞而籌款雖艱亦可暫從緩辦商諸各鄉紳董意見皆同詳察各局區長警其中安分循良程度及格者約可得十之七八即將冗濫汰除亦可足敷分

布職等通盤籌畫除已裁之五區人員及長警人等統俟訟案完結再行察看情形分別核辦具報其餘之城鄉巡官區長及總局原設之教習稽查各員悉仍其舊毋庸更議外所有城鄉現有之馬步長警尙有一百零七名擬請一律嚴考擇其素行謹飭明白警章課程在及格以上者錄取八成暫以八十五名爲限其餘二成概從沙汰倘取不足數則儘數留之甯缺勿濫仍另募補足卽於五月初間一律考試立予分別去留自此大汰減以後應由各警員認真整頓嚴加約束勸懲兼施以期日有進步仍隨時設法寬籌經費俟款充盈再行規復舊制以期漸收實效職等係爲警務腐敗款難復籌變通整頓起見是否有當公請核奪詳請示遵等情據此卑職覆查該警董等所稟皆屬實在情形况卑職到任後調查舊募長警庸濫實多而經費所需不敷且鉅祇以招募籌款均極艱難故屢欲變章輒無全策茲該警董等所擬酌裁冗濫及變通整頓辦法雖係暫時權宜出於萬不得已然於警政前途似亦不無裨益况將來經費籌足仍可規復舊章實屬因時制宜尙無窒礙應請俯如所請以期事歸實際款不虛糜特事關議裁警額卑職未便擅專自宜據情轉陳以符定制除稟批示并俟奉到憲批再行飭遵外所有卑縣警董因本邑巡警冗濫款難復籌擬變通整頓暫裁警額以節經費徐圖規復緣由是否可行理合據情稟請 大帥查核俯賜批示祇遵實爲公便

督憲 批據稟已悉該縣警費入不敷出擬將冗濫暫行裁汰自是權宜辦法應准照行仰警務處轉飭該縣認真考驗分別去留仍一面督飭紳董妥籌的款并將巡警切實訓練務期補充足額以資改良而保治安切切此繳

棗強縣李令盛鑾詳續辦觀摩會請獎勵捐助會費文並批

爲詳請事案據卑縣勸學總董王廷燭稟稱竊以光緒三十四年前學期觀摩會蒙將舉辦情形轉詳查核立案旋蒙上憲批示獎勵仍飭令遵照接辦祇誦之下感激莫名過秋以後本擬陸續舉辦乃雨澤愆期秋收歉薄遍查各區學堂強半歸咎歲歉延不開學雖竭力勸導而學界幾不可保董思此危局惟有稟請示期嚴催觀摩勸懲兼施或可藉資整頓當蒙批示遵行惟各村學款奇絀按月開支已屬羅掘俱窮若復加以觀摩經費更覺無從措辦萬不得已乃勸導各鄉急功好義之士捐出義資以爲維持學務之計幸有婁子區石銓清卷鎮區李春旺王均區張玉魁每人慨捐京錢百吊以作各本區觀摩會費用凡到會學生董教每名給飯費京錢一百二十文至獎品零費

亦出於義捐之內他區雖無捐款獎品等費由勸學所措辦尙覺輕而易舉當即傳諭各區仍照前學期逐區擇適中之地就近開會隨到隨考力求內容勿趨形式一時四鄉學堂無不聞風而興起正開辦間適遭 國喪凡前學期中所用禮式勢難照舊舉行故另擬簡章稟請示遵以便續行開辦隨即遵諭通知各區學堂旗章衣帽均緣白布以符定章至內堂科學仍照常命題考試體操一門則僅覘步法至音樂遊戲一律停止當於十一月十三日接次開辦屆期開會先囑各該區勸學員恭設

大行皇太后及

大行皇帝神牌董率各董教學生齊

集行禮畢即分班考試當面核定分數酌給獎品併將教員一律考試當即呈蒙批閱榜示用彰激勵畢會後又復統計七區詳細比較其間學生之等第以大營婁子兩區爲最王均區次之十三保卷鎮流常蕭張各區又次之合計到會學生名數雖不及前學期之多而考入最優等及優等名數實超過前學期遠甚尤可羨者當連歲歉荒之餘人心極爲驚惶而各區學生人人氣象踴躍精神發皇均含有競爭恐後之思想殊非董意料所及似此學生程度之進步雖由各董教平日教育之功實非總辦警誠交施默與維持之力不至此嗣後尙當廣續舉辦以期鼓舞將來所有此次續辦觀摩會緣由及舉辦情形並名次比較各表另摺繕呈懇請轉詳查核並乞將家僅小康之石銓清李春旺張玉魁等當此連年歉收竟能以勤儉度日之餘資各捐京錢百吊襄助學務據情轉詳酌加獎勵以昭激勵實爲德便等情據此查舉辦觀摩會洵足以鼓舞羣情裨益學界該總董於上年秋收歉薄之際不遺餘力設法勸捐得將後學期之觀摩會接續舉辦深堪嘉尚試觀師生成績較前殊有進步除仍督同學員認真整頓續行籌辦外所有辦理戊申年後學期觀摩會緣由擬合檢同比較表具文詳請憲台查核再捐助會費之民人石銓清李春旺張玉魁三名急公好義慷慨輸將爲數雖屬無多然值此歲收荒歉自顧不暇竟能以勤儉度日之餘資襄助學務洵屬不可多得應請優予獎勵以昭激勵合併聲明爲此備由開冊具呈伏乞照詳施行須至詳者提學司傳 批詳摺均悉該董勸募義捐創辦觀摩大會辦事切實該民人等慷慨捐輸殊堪嘉尚仰即傳諭嘉獎惟觀摩會注重精神不重形式此後廣續與否可酌量地方情形辦理并即飭遵此繳摺存

文告錄要

督憲批示錄要○署交河縣周令學淵稟學董余硯田等私開斗捐請飭退由 批據稟已悉學務需款雖殷然取

資於雜捐亦有病民之慮學董余硯田温其鍾等擬辦斗捐既經該縣批駁自應另行妥籌學款方為正辦乃輒敢私自收捐殊屬荒謬應將該學董等一併斥退仰提學司查照辦理飭遵繳

學台批示○天河初級師範學堂畢業生周國楨稟為請賞派差使以盡義務一案 批稟悉仰候核奪委派仍一面自行另圖此批○湖北師範畢業生朱靜海范寶恕稟懇恩收考一案 批稟悉仰即由學備文申送以符定例切勿遲誤此批

臬台批示○寶坻縣孀婦楊顧氏來司呈控一案 批查此案已據該縣詳報爾子楊桐因夥同張太昌等行使假票被獲到案訊供屬實酌擬監禁詳蒙 督憲批司確核詳覆飭遵等因當經飭廳核覆在案爾子是否獨子應否留養姑候飭廳一併查明詳覆核辦該氏即回縣候示毋得在省逗遛粘單附

清苑官立初等第一女學堂榜示○為榜示事照得本堂第一學期季考業將各生試卷認真校閱按甲乙兩班分

列等第合行榜示周知須至榜者 計開 甲班十五名最優等二名 董家齊 孫陵生 優等七名 董家

政 朱芝瑛 謝廷瑛 高文采 張鶴仙 謝廷瑞 陳玉香 中等四名 蒙清瑤 王金琳 屠文釀家

王錕琴 次等二名 杜緒芬 楊毓瑛 乙班二十一名最優等一名 金敬莊 優等五名 孫繼敏 陳

玉珍 謝廷瑾 夏文蘭 劉偉寶 中等七名 孫滿生 李蘭芳 呂之澄 金毓德 白桂馥 高秀卿

彭文卿 次等五名 王玉潔 孫恩貴 朱芝瑒 孫淑 傅允德 又次等三名 王小顏 王樹楨

葉淑華

電報錄要

路透電○英國米德蘭地方煤礦工人八千餘人與礦主大起衝突現已罷工有工人多名經過他處將房屋財產搗毀甚多居民頗為惶恐聞此次罷工係因蘇格蘭礦主擬自西七月二十六號起將工人工價減去百分之十二云

又電○蘇格蘭礦工代表員提議於西七月二十六號同盟罷工并使全國礦工一律停止工作聞該代表員擬於十五號將此事交工黨協會核議云

又電○英國駐印度陸軍統帥吉青納爾氏現已允許往澳洲一行以便整頓澳軍
柏林電○德國議院擬於下禮拜二日停議

又電○英皇擬往依士洛地方與奧皇相會

又電○德首相普魯親王不允將改良財政表式簽字并不在議院演說

又電○德皇擬於下禮拜回柏林以便選派新樞密院總理大臣

又電○俄國兵隊五千人現在開往波斯京城該處情形甚爲紛亂

新政紀聞

政治

欽定已故督臣諡號○五月二十四日內閣奏撰擬已故直隸總督楊士驥諡號請

欽定一摺奉

硃筆圈

出文敬欽此

法政學堂添監獄科○法部因現值修明刑律之時以改良監獄爲最要惟此項人才甚屬難得擬即通咨各省大

府轉致提學使將本省法政學堂於本年暑假後一律添設監獄科一門列爲必修以爲將來監獄人才之預備
詳請書役戒煙辦法○蘇垣禁煙公所詳陳書役戒煙辦法已奉端午帥批示查書吏丁役向來沾染嗜好較士民

尤夥當此禁煙嚴厲之際非先從廓清若輩煙癖入手則辦公之人顯違功令何以責士民之奉法據詳前情仰
候通飭各衙門局所迅速依限取結送所勒令戒斷該所一面移行轉飭遵照來詳切實辦理如稍徇庇一經查

覺卽由該所一面指名調驗並將該管官吏詳請懲處以爲馭下寬縱者戒

憲政籌備會成立○鄂省紳學界夏太史壽康等組織憲政籌備會已經開會數次舉定職員日前特將會章呈請

鄂督立案並請刊發鈐記一顆當奉陳筱帥批准並札飭善後局刊給鈐記以昭信守

學務

優級師範畢業生簽分司務○吏部咨覆學部云優級師範學堂畢業考列中等之各員應准以設有司務額缺之

部署分別掣簽請查照云云

催送應考畢業生名册○京師督學局以現已將放暑假卽應在此期內舉行第三次小學畢業而各學造送畢業

名册尚未送齊當卽咨催各校作速將已滿學期應考畢業之各生名册報局以便定期考試云

擬改設學務佐治官○湖北提學司高文宗以現在預備立憲學務爲當務之急必得專員認真提倡方有進步擬遵學部新章每府廳州縣均添設學務佐治官一員專司提倡學務事宜但鄂省現時學款支絀若另設專員需費頗鉅擬加重各州縣視學員權力卽以該視學改爲佐治官以節經費已擬訂辦法呈請督院核示

軍政

保送貴胄學員○禁衛軍督練大臣日前行文貴胄學堂飭將該學畢業學員擇尤保送於六月初一日以前咨送督練處定於六月二十日考試各學員課程以便拔補禁衛軍軍官之用

留學生充鎮部差遣官○江南前派赴日留學陸軍學生刻已畢業相繼返甯江督以軍界中級將校中一時無可位置曾札委蒲鑑傳鑫錫黃金桂長青春羣等十餘人爲第九鎮司令部差遣官茲於日前又札委新由日本返國之陸軍畢業生李顯謨沈同平吳和宣等爲鎮部差遣官月給薪水俾資津貼俟有相當位置由鎮統詳請挨次遞補云

退伍徵兵之生計○江蘇鎮江退伍徵兵因退伍回籍後終日游手無事於生計大有妨害爰偕同鎮屬南鄉退伍各兵士籌集股本就寶堰鎮通丹陽一帶內河官堤栽種樹木俟有成效以餘利三成歸公七成歸己公分已安一定辦法稟由陸軍警察管帶陶駿保觀察詳請督院札飭鎮江府轉行徒陽兩縣核議立案

選派兵官赴講武堂肄業○江督端午帥以南洋講武堂修改章程將各種專門學堂分科列校薈萃一堂皖省新軍將校前經允准來甯附學膳雜各費按額攤認蘇儘可仿皖省例將兵官送甯肄業抄錄章程咨明蘇撫查照辦理等因前撫陳中丞當卽抄單札處移會署理混成協劉統領查照見覆去後茲准覆稱職道伏查南洋設立講武堂皖省新軍將校附甯肄業蘇省自應遵照按額選送惟三月初一開學之期已過而膳雜各費如何攤認尙待調查既准咨請緩至秋間預先選定再行詳咨附甯學習應請咨明兩江總督查核詳祈示遵等情到院除批示外相應咨明江督請煩查照

民事

公所辦理禁煙情形○蘇垣禁煙公所日前將辦理禁煙事務暨調查煙戶情形申詳省憲云職所調查吸煙人戶

現已會同巡警局員弁及地方官分區辦理將次告竣惟各衙門局所不在調查人戶之列除委員幕友已由本管長官承查分別取結勒戒外其書吏丁役人等或有戶籍在外者亦有即居署內並無戶籍者調查何能周密應遵照憲台頒行變通禁煙章程辦理嗣後如有書吏丁役人等吸煙概由本衙門局所長官勒令具結限三個月戒斷其未斷淨之前均赴職所領給牌照准其購土購膏無論該書吏丁役來所請領牌照之遲早均截至下次普通換照之日爲該書吏丁役斷淨之日不准再換牌照如蒙俯允並乞通行遵辦是否有當伏乞照詳施行准撥運河防汛經費○江蘇揚州府屬運河堤工修防經費奉准在藩運道局各庫分別攤撥現由該局總辦會觀察具稟請領江督端午帥當以該局防汛工費關緊要應准照撥銀一萬二千兩已分飭藩運道局按數撥給具領濟用惟當此財政困難工程必求堅固工款尤戒虛糜總期動用一文即得一文實濟是爲至要特批飭該總辦督率各員弁將防汛應辦事宜隨時認真籌備毋稍疎虞

實業

添設推廣習藝分所○順天府凌大京兆議擬核計各省協濟習藝所經費銀兩爲數頗鉅預算除開辦總習藝所外尚有盈餘若干議擬於東城地方添設分所一處以期廣惠窮黎云

呈報試驗場播種情形○浙江省商務局湯觀察近日具詳撫院略云職道接辦後於艮山門外笕橋山茶花地方購得民地三十七畝零坐落仁和縣二十三都三圖離城十八里該處土質肥沃闢作農事試驗場尙稱合宜惟爲將來推廣計地基甚覺不敷目前擬從種藪園入手試辦亦尙可用擬將舊地劃分二十一區採購本省及外省木植蔬菜豆荻花果之屬分區試種並郵購日本所出各項籽種及歐洲輸入品暨該國農器各件藉以中東相較爲改良借鏡之資又擬於區之中鑿池四方將以瀦水用資灌溉區之後構屋數楹作爲事務之所收穫之室並收儲肥料農具等類又擬於西偏構室室三楹將以飼蠶本省絲斤之美爲全球冠近來洋莊出口遠遜從前說者咸謂選種之未精製絲之無法現擬於場內種桑飼蠶研究利病導閭閻之先路保固有之利源此近日籌辦農事試驗場之情形也現在購到中日各項種籽一律播種均已萌芽成活可望惟建築各工未及興辦大略布置諸未完全其有應行加捐之處俟移勸業道接續辦理以竟全功用副憲台注重農業挽回利權之至意

第三條 本所設課長課員外招募執事學生看護皮設物品並分班授以科學智識一切課程由各課長課員擔任

第四條 本所陳列品分項如左

甲(調取)凡由各省將軍督撫咨送及商會與商務議員等呈送或由本所派員赴各省採購者 乙(寄宿)凡各省公司局廠寄交本所代售者由本所代為妥實經理(另有細章) 丙(寄贈)凡各省公司局廠願將所製工藝品贈與本所永遠陳列者由本所代為登報延譽 丁(寄陳)凡有堪為工業上仿造之品寄交本所陳列若干日仍擬取回者由本所給與存取執照並代為登報延譽 以上各項約分十部 一農業(附園藝) 二林業 三水產 四礦產及冶金 五化學工業 六染織工業 七製造工業 八機器及器具 九圖繪寫真及印刷 十專利品及參考品

第五條 本所每年彙集各處工藝出品分別等第加擬評語呈請本部查與奏定獎給商勳商牌章程相符者或奏獎以一二三四五等之商勳或酌獎以七八九之獎牌

第六條 凡爆發物發火性物只得陳列其裝潢模型至有害風俗衛生之物概不准陳列

第七條 本所設圖書室搜集關於工商業各項圖書報告及統計表並商標雜誌新聞等項以供衆覽

第八條 本所設參考室選取中外物產可供研究者特別陳列以資參考

中國產 (甲)重要之輸出品及認定將來之輸出品 (乙)凡可與輸入品抵制及競爭之物品 (丙)凡可為製造原料之物品 外國產 (丁)凡可為中國製造之模範或商業上參考之物品 (戊)凡外國彼此輸出競爭之物品及認定將來與中國競爭之物品 (己)外國市場由他國輸入各貨而為中國所能製造之物品 (庚)輸入中國之重要品及可供製造原料之物品

第九條 本章程如有未盡事宜及續行增改之處仍得隨時修訂

職任總則

第一條 本所管理及總理均由本部選派主持全所事宜

第二條 本所員司之任免由管理及總理規定之

第三條 各課員司俱有專責不得推諉

第四條 本所辦公每日以七小時為限其遲早按晷刻之長短酌定

第五條 凡在辦公時限內各課員司皆應遵照規則不得擅離

第六條 本所每日應派員司二人輪班值宿

第七條 凡關於本所改良事宜各課員司如有所見皆可隨時提議會同研究

執事學生規則

第一條 本所執事學生以看護皮設物品為職務凡皮設品與皮設架櫥均須隨時檢點拂拭

第二條 凡執事學生對於入覽人無論男婦老幼及東西國人士均須致敬有問必答

第三條 凡執事學生皆分區派定非換班時不准擅離如查有損失物品接班者即時聲明以免推諉

第四條 凡執事學生對於皮設物品拂拭或移動時務須加意慎重毋令顛倒位次淆亂標籤

第五條 入覽人於皮設物品如有任意觸動者執事學生須登時勸阻

第六條 入覽人如有損壞物品及櫥格時執事學生報知皮設課酌令賠償

第七條 本所皮設物品損失時執事學生如有意蒙蔽經皮設課查知惟該值班學生是問

第八條 入覽人如有瘋癲被酒或喧嘩詬爭擾亂秩序者由執事學生阻止並報知課長

第九條 入覽人或故意違反路綫及不遵守遊覽規則者執事學生可從旁指示惟不得急言遽色

第十條 本所備有水龍執事學生及本所夫役須時常演習

入覽規則

第一條 本所開門售票俱有定時

第二條 入覽時須購入覽券凡軍人及學生券價減半

第三條 本所特製優待券入覽者特別優待



榆 關 石 河 春 景

驅除血毒

在錫蘭有患最劇之癩瘡非醫院所能療治者為韋廉士大醫生紅色補丸所治愈撒母耳極克生者英俊人也年方二九居於科倫佈撒拔斯街之海而山地善體操術為皇家大學堂踢球隊中之一而又精打球之戲然竟有一且不能出外者蓋其人自膝至趾皆發最劇之癩瘡甚至足不容履其母嘗為之憂云吾子身軀至於此極吾實不知何法措置各醫士皆覺棘手無能為力乃竟一服韋廉士大醫生紅色補丸其瘡立愈余夫與余驚喜非常爰命吾子自述其病狀如左云○余憶十一歲時偶患癩瘡自膝至踝至趾皆無完膚其致病之原因與同伴偕遊於污水旁以致毒入血內之故也其瘡形小而紅膿汁飽而滿顆粒叢生列如星宿未能勝數醫士云此係癩瘡也一



科倫佈極克生患癩瘡為韋廉士大醫生紅色選丸所治愈

瘡既裂一瘡又生瘡內生瘡痛楚莫名趾縫之間莫不皆有暴躁異常奇癢難忍甚至履皆不能容余母携余至醫院診治而又詢諸科倫佈著名醫士歷七匝月之久試用枯藥油藥水藥以及內服等藥非徒無益抑且有損於是余父准以韋廉士大醫生紅色補

丸各余試服而余母因余年幼每次僅以半丸與服未幾癩瘡盡退身體由是全愈近七年來余之週身十分強壯無復有瘡節之患矣○夫癩瘡一疾無論輕重如僅以外藥敷治斷難除根韋廉士大醫生紅色補丸能適攻入根原使其不潔枯薄之血立能潔淨有力使全體康健復原不第速治如極克生所患之癩瘡且曾醫治 山林瘴氣 血薄氣衰 胃不消化 正忡驚悸 風濕骨痛 腎骨痠痛 筋系疼痛 腦筋失調 左癱右瘓 腳氣衝心 操勞過度 思慮傷神等症又能醫治少壯婦女 月信愆期 白帶白淫諸疾莫不效驗如神焉 中國各處藥局商店均有代售或直向上海九江路B字第八號 韋廉士大醫生藥局總發行處購買亦可價銀每六樽大洋八元每一樽大洋一元五角 遠近郵費一律不取

本局印售各種書籍圖畫目錄

澄衷學堂字課圖說
 天文歌略
 地球歌略
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學算數教科書
 初等小學算數教科書教授法
 忠經
 英文學問
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋三元
 一本洋三分
 一本洋一角五分
 二本洋二角
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 二册洋三角六分
 合售洋三角六分
 一本洋紙洋五分
 一本洋二角五分
 一本洋二角五分
 二本洋二角五分
 二本洋五角
 二本洋紙洋四角
 二本洋紙洋五角五分
 二本洋紙洋四角
 二本洋一元二角
 二本洋四角
 一本洋紙洋七角五分
 一本洋紙洋七角五分
 一本洋紙洋四角五分
 一本洋紙洋三角五分
 一本洋紙洋一角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰學報彙編一百種
 乙巳學報彙編
 丙午學報彙編
 丁未學報彙編
 全年學報彙編
 農學新書三十五種
 日本栽桑捷法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圓地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 二本洋三角五分
 二本洋四角
 二本洋六角
 一本洋二角
 一本洋五角
 一本洋一角五分
 一本洋一角五分
 一本洋一元
 四本洋一元
 五十本洋二元七角
 四十本洋四元二角
 廿四本洋四元八角
 卅二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一張洋一角
 一册洋一元
 三十二張洋一元
 一張洋八角

北洋灤州官礦有限公司開正式股東會訂期廣告

啓者本公司開辦已逾一稔造端宏大事緒綦繁茲定於五月二十四日下午二鐘在天津東門外玉皇閣本公司開正式股東會提議各項事件應請股東先期於三日前各帶股票赴本公司驗明以便填給會券屆期即可持券入會如不先領會券臨時未便接待再各股東領會券時務祈將姓氏籍貫住址開示以便隨時通函佈告謹啟

天津銀號廣告

本銀號代辦直隸公債所有本年宣統元年二月初一日四月初一日第四年第一第二兩期應付本利銀兩即係原訂光緒三十五年期限業經照數分付廣登告白各在案茲值本月杪爲第四年第三期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請 督憲照 奏准章程通飭各屬不准留難需索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告

啟新洋灰有限公司磚股截止廣告

啟者本公司磚窖收股於五月十五日爲兩箇月期滿已經截限現計兌到股款已多逾額尙須設法勻退特此廣告遠近附股諸君勿再溢交免勞往返滙兌謹啟

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

瑞利洋行

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜鐲子表墜大小八音盒並留聲話匣單雙桶千里眼砗蘭磨花穿衣鏡妝梳洋鏡

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑤藍 奇巧美術玩器 學界文房用品 旋行携帶等件 精工鑲身物料 定織各色唐氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中
 外官商照顧頗加獎
 譽茲為推廣招徠起
 見自本年起承印各
 項價目格外減讓以
 副官商雅意如蒙
 賜顧請至本局賬
 房面議可也

本報代派處

各省郵政局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周
 保定省城北大街官書局內本分局
 錦州同益分報館
 南京東牌樓慶昌 濟南官書局
 天津鄉南李茂林
 奉天省城振泰報局
 開封南書店街本分局
 各州縣驛遞不在此例

大清銀行廣告

現奉 部飭展限付還國民捐款仍以原捐執照為憑統按前定章程辦
 理由本月開付限至本年年底為止 天津大清銀行謹啓

直隸全省土稅現經度支部議定仍舊認真辦理勿裁

前月柯遜帥議擬管豫徐東皖直等省禁種商之大部停辦現經部議直
 省京津銷場最大查驗最煩畿輔腹地關係尤重直省土稅仍須照舊認
 真辦理不得裁撤刻已由遜帥飭知直省土稅局遵照矣

便宜祭幛出售

茲有庫緞杭寧摹本亮花大呢布東縐洋緞各色祭幛寄存估衣街勾
 德豐帽店出售貨色新鮮均照市價八折扣算 賜顧諸君請至該處購
 閱可也